



PRESSITEADE
26.05.2010

Uma Pido nakatuspääväl kor'atas pidotulõlõ väke

Võrokeeline laulu- ja rahvapido tulõ joba seo nädalivaihtus, täpsembähe puulpäävä, 29. mail. Pido väke naatas korjama joba päiv varramba Põlvamaa üten vägevämbän kotussõn Taivaskuna. 28. mai õdagu sõs, ku päiv mõtsa taadõ lätt (vast nii kellä 8 ümbre), pantas säääl palama laulupido tuli, et tedä sõs üü läbi rahvalaulõ, -juttõ ja -perimüse seen hoita.

Tulõhoitmisõ kõrraldaja Tiit Kaasiku sõnnu perrä om kõrraldaminõ lännü kinäste ja külh jakkus ka inemiisi, kiä tuld hoita avitas. Kaasik om väega tenolik kõrraldusõ mano appi tulnu Haanimiihhi Nõvvokualõ. "Väke pidos saa tuli kor'ada õks mõnusan kotussõn ja õhk-kunnan, sõs tuu omgina sündmusõ mõtõ - hoita perimüst ja tuld mõnoga. Ku perimüse jagamisõ seen ka mõni paus tulõ, sõs tuugi käü hää olõmisõ mano!" ütles Kaasik.

Päält laulupido tulõ palama pandmisõ ja väe seen hoitmisõlõ om nakatuspääväl Põlva liinan viil tõisigi tegemiisi, miä Umalõ Pido huugu andva. Põlva Maarja kerikun saa kell 18 kullõlda EStudio tütarlatsikuuri (Põlva), Mitte-Riinimanda segäkuuri (Rapla) ja segäkuuri Hilaro (Võro) ja kell 23 laulva näütlejä Anne Maasik ja Heiki-Rein Veromann.

21. kõrda olõva Põlva Päävä omma köütü mitmit asju Uma Pidoga, selle et vällä om kuulutõdu perimüse aastak. Kell 20 om egä-aastanõ, a seekõrd Uma Pido võtmõn mootorilda nelä tsõõriga sõiduriistu mäest alla kupataminõ ja kell 21 om egä kõrd oodõtu popkõntõrt, a seekõrd võrokeeline: esinese Lõkõriq ja Ummamuudu.

Uma Pido pääkõntõrt nakkas 29. mail kell 19 Indsikurmu laululava pääl. Kõntõrdi juhatas sisse pidorõngikäük Põlva järve veerest.

Teedüst saa mano:

www.umapido.ee

<http://umapido.wordpress.com>

Triinu Ojar, projektijuht

tel 533 22 153, e-post triinu.ojar@wi.werro.ee

Pressiteedüse and edesi:

Mari-Liisa Parder, pressipäälük

tel 505 2517, e-post mariliisa.p@gmail.com